

# **Faahororaa no te Faaineineraa no te putuputuraa Oraraa e taviniraa**

## **1-7 NO MATI**

### **TAO'A RAU BIBILIA | NUMERA 7-8**

#### **Ta te puhapa o te nunaa Israela e haa- pii mai ra**

*it-1-F 508*

**Amuira**

I Israela, e pinepine te mau tia tiaturihia i te haa no te maitai o te nunaa. (Ezr 10:14) Na “te mau tavana no te mau opu” e horoa i te mau tusia a haamauhia ‘i te sekene. (Nu 7: 1-11) Na te mau tahu'a atoa, te mau ati Levi e te mau “feia rarahi” i taati i te “faufaa ito-ito” i te tau o Nehemia. (Ne 9:38-10:27) A hahaere ai Israela na te medebara, i vai na ‘te mau hui tavana no te amuira, e feia rarahi i taua amuira ra, e taata tuiroo ana'e.’ E 250 o ratou tei amui ia Kora, Datana, Abiramia e Ono no te patoi ia Mose raua Aaronia. (Nu 16:1-3) Ma te pee i te aratairaa a te Atua, ua maiti Mose e 70 tane no roto mai i te feia paari i Israela no te tauturu ia ‘na ia amo i te “hopoia ra o te mau taata nei,” e ore hoi e maraa ia ‘na ia amo o ‘na ana'e. (Nu 11:16, 17, 24, 25) Te faahiti ra te Levitiko 4:15 i “te mau matahiapo o te amuira” e e au ra o te feia paari, te hui tavana, te mau haava e to ratou feia toroa te tia no te nunaa.—Nu 1:4, 16; los 23:2; 24:1.

*it-2-F 835*

**Reubena**

I roto i te puhapa o Israela, tei pihai iho to Reubena i te mau huawai o Simeona e o Gada i te pae apatoa o te sekene. A taui ai ratou i te vahi, e na muri teie na opu e toru arataihia e Reubena i te opu e toru o Iuda, Isakara e Zebuluna. (Nu 2:10-16; 10:14-20) Tera

atoa te faanahoraa a pūpū ai ratou i te tu-sia a avarihia ‘i te sekene.—Nu 7:1, 2, 10-47.

#### **Te mau poe pae varua**

*it-2-F 637*

**Tamaroa matahiapo**

I te mea e riro mai te mau tamaroa matahiapo a te mau Israela ei upoo o te mau opu fetii taa ê, o ratou te mau tia o te nunaa Israela taatoa. Ua faahiti lehova i te nunaa Israela taatoa mai ta ‘na “matahiapo,” ua riro mai iho â ratou ei nunaa matahiapo o te Atua maoti te faufaa i faaauhia ia Aberahama. (Ex 4:22) I te mea ua faaora o ‘na i to ratou ora, ua faaue lehova ia faataahia no ‘na “te mau tamaroa matahiapo . . . o tei fanau na i te mau opu atoa i ô te tamarii a Israela nei, ta te taata, e ta te puua.” (Ex 13:2) E pūpūhia ia te mau tamaroa matahiapo i te Atua.

## **8-14 NO MATI**

### **TAO'A RAU BIBILIA | NUMERA 9-10**

#### **“Nafea lehova e aratai ai i to ‘na nu- naa?”**

*it-1-F 386*

**Puhapa**

Mea naho maitai te puhapa o Israela ia taui ratou i te vahi (i roto i te Numera 33, ua tai-ohia e Mose 40 a'e vahi puhaparaa). Tei nia noa ana'e te pou ata i te sekene, e faaea te puhapa i te hoê â vahi. Ia taui te pou ata i te vahi, e na reira atoa te puhapa. “Tei te faaue a lehova i haere ai te tamarii a Israela, e tei te faaue a lehova i puhapa ‘i ratou i te tiahapa.” (Nu 9:15-23) Na e pitii pu ario hamanihia e faatae i ta te Atua mau

faaueraa i te puhana taatoa. (Nu 10:2, 5, 6) Tei te huru ta'iraa taa ê o te pu e tia 'i te puhana no te tau i te vahi. Te taime mata-mua i tupu ai te reira, tei "te piti ahuru o te mahana, i te piti o te marama ra, e te piti hoi o te matahiti," oia hoi 1512 hou te tau o lesu. O te afata faufaa to mua roa, i muri noa mai na puhana e toru o luda i mua roa, o Isakara e Zebuluna. Apeehia ratou e te ati Geresona e ati Merari o te amo i te mau tu-haa faataahia o te sekene. I muri iho, o na puhana e toru ia o Reubena na mua, o Simeona e Gada. I muri ia ratou, te mau ati Kohata ia e te vahi mo'a. I muri iho na pu-hana e toru o Epheraima, Manase e Beniamina. E i te hopea roa, na puhana e toru ia o Dana na mua, o Asera e Naphatali. Te au-raa ia, i mua roa e i muri roa, o te mau pu-hana rahi roa 'e ia e te puai roa ''e.—Nu 10: 11-28.

#### w11-F 15/4 4-5

**Te taa ra anei ia outou e na te Atua iho â e aratai ra?**

Nafea e faaite ai e mea au na tatou te aratairaa a te Atua? Ua parau te aposetolo Paul: "A faaroo i te mau aratai i rotoru ia ou-tou e a auraro atu." (Heb. 13:17) E ere ra i te mea ohie, e ere anei? Hoê hi'oraa. A fe-ruri na e Israela oe i te tau o Mose. Tau taime oe i rotoru i te medebara e faaea 'tura te pou ata. Ehia maorora teie pou ata e faaea 'i ? Hoê mahana? Hoê hebedoma? Tau ava'e? E ui paha oe: Faufaa anei ia tatara pauroa te taihaa? Peneia'e, i te omuaraa, e tatara noa oe i te mau taihaa faufaa. Tera râ, i muri a'e tau mahana, no te mea ua fiu oe i te imi haere i rotoru i ta oe mau taihaa, faaoti oe i te huri pauroa mai i rapae. I tera râ taime, ite a'era oe i te pou ata ia maraa i nia i te ra'i. Eaha te rave? Faanaho faahou! E ere i te mea ohie. Noa 'tu râ, e titauhia ia

haere te mau Israela i reira iho â.—Num. 9: 17-22.

Mai te aha to tatou huru ia horoahia mai te mau aratairaa no õ mai i te Atua? E tutava anei tatou i te auraro i reira iho â? Aore ra e tamau tatou i te rave mai ta tatou i matau? Ua ite anei tatou eaha te mau aratairaa apî no nia i te faatereraa i te mau haapiiraa Bibilia, te pororaa i te taata nunaa ê, te rave-ta-mau-raa i te haamoriraa utuafare, te ohipa-amui-raa e te Tomite tuatiraa e te fare ma'i aore ra te haerea e tano i te faaite i te mau tairururaa? E faaite atoa tatou i to tatou ma-ruuru no te mau aratairaa a te Atua ma te farii i te mau a'oraa. A rave ai i te mau faa-otiraa, eita tatou e tiaturi ia tatou iho, tera râ e imi tatou i te aratairaa a te Atua e a ta 'na faanahonahoraa. Mai te hoê tamarii o te imi i te parururaa a to 'na mau metua a puhi-puhi ai te hoê mata'i rorofai, e imi tatou i te paruru papu i rotoru i te faanahonahoraa a le-hova a faaruru ai i te mau fifi o teie nei ao.

#### Te mau poe pae varua

##### it-1-F 207

**Putuputuraa**

**Te faufaaraa ia putuputu tatou.** Ua riro te oroa matahiti o te Pasa ei taime no te haafaufaa i te mau faanahoraa ta lehova i rave ia putuputu to 'na nunaa. Eaha te ravehia i te hoê tane o tei vai viivii ore e tei ore i ratere haere, tei ore râ i faatupu i te Pasa? E haapohehia oia. (Nu 9:9-14) Teie te poroi a te arii Hezekia i to luda e Israela no te haere mai i Ierusalem: "E te mau tamarii a Israela e, e fariu mai ia lehova, . . . eihia outou o faaetaeta, mai to outou mau metua ra; e auraro mai outou ia lehova, a tomo ai i tana vahi mo'a i haamo'a-roa-hia e ana ra: a haamori ai i to outou Atua ia lehova, ia faafariu ê hoi oia i tana riri rahi ia outou.

. . . E hamani maitai rahi hoi to te Atua to lehova, e te aroha rahi, e ore hoi oia e fariu ê i to 'na mata ia outou, ia fariu mai outou ia 'na." (Pa2 30:6-9) E faaite te taata o te ore e apiti atu e ua faarue o 'na i te Atua. Noa 'tu aita te mau Kerisetiano e faatupu i te mau oroa mai te Pasa, ua faaue Paulo ia ratou ia ore e haamo'e i te mau putuputuraa tamau a te nunaa o te Atua: "E e ma-na'o ana'e te tahi i te tahi, a turai atu ai te tahi i te tahi ia faaite i te here e ia rave i te mau ohipa maitai roa, eiaha e faarue i ta-tou mau putuputuraa, mai ta vetahi i matau, ia faaitoito râ te tahi i te tahi, e ia rahi atu â a ite ai outou i taua mahana ra e fatafaata mai ra."—Heb 10:24, 25.

## 15-21 NO MATI

### TAO'A RAU BIBILIA | NUMERA 11-12

*it-2-F 714*

**Tatama'i**

**Amuamu.** E faatoaruaru te amuamu. I muri noa a'e i to ratou faatiamâraahia mai Aiphiti, ua amuamu te mau Israela ia lehova ma te faahape i te aratairaa ta 'na i horoa i ta 'na mau tavini ra o Mose raua Aarona. (Ex 16:2, 7) Ua haaparuparu roa atoa ta ratou mau amuamu ia Mose i ani ai oia ia pohe. (Nu 11:13-15) E nehenehe te taata o te amuamu e haapohehia. Ua riro te mau amuamuraa a tera mau taata no nia ia Mose ei patoiraa i te aratairaa a lehova. (Nu 14:26-30) Mea rahi te taata tei haapohehia no te amuamuraa.

**Te mau poe pae varua**

*it-2-F 207*

**Mâna**

**Faataahia.** 'E mea huru teatea mai te hue-ro gede te huru' e "mai te poe ra te huru ia

hi'o." "Mai te uefa meli ra ia amu" aore ra "mai te hinu olive ra." Na mua roa, e taviri-hia aore ra e faahu'ahu'a-roa-hia te reira. I muri iho, e tunuhia i roto i te pani aore ra e hamanihia ei pane.—Ex 16:23, 31; Nu 11:7, 8.

## 22-28 NO MATI

### TAO'A RAU BIBILIA | NUMERA 13-14

**Te mau poe pae varua**

*it-1-F 740*

**Te fenua ta te Atua i horoa 'tu i te nunaa Israela**

Mea maitai roa te fenua ta te Atua i horoa i te mau Israela. Ua tono Mose i te mau taata hi'o i te Fenua tăpăhia no te hi'o i te fenua e no te faaho'i mai i te mau maa hotu tei tupu i tera vahi. Ua ho'i mai ratou e te suke e te remuna. Ua faaho'i atoa mai ratou i te hoê peenave vine, mea tiapai te reira e ua titauhia e piti taata no te amo! Ua măta'u ratou no to ratou ereraa i te faaroo, ua na ô râ: "E fenua tahe pape mau â te û e te meli."—Nu 13:23, 27.

## 5-11 NO EPERERA

### TAO'A RAU BIBILIA | NUMERA 17-19

**Te mau poe pae varua**

*g02-F 8/6 14 par. 2*

**Te faufaaraa o te miti popaa**

Ua riro te miti popaa ei tapao no te aueue ore e te vai-tamau-raa. I roto i te Bibilia, ia faaau te taata i te faufaa, e amu amui ratou i te maa e te miti popaa no te haamana i te faufaa. No reira i parauhia 'i no te hoê faaauraa ravehia ma te papu e e "faufaa mou ore ma te miti" te reira. (Nu 18:19) I raro a'e i te ture a Mose, e tuu-atoa-hia te

miti popaa i nia i te mau tusia pūpūhia i nia i te fata ei tapao o te viivii ore aore ra te tahuti ore.

## 19-25 NO EPERERA

### TAO'A RAU BIBILIA | NUMERA 22-24

**“Ua faariro lehova i te hoē faainoraa ei haamaitairaa”**

**bt-F 53 par. 5**

Faaiteraa i “te parau apī oaoa no lesu”

5 I teie mahana, mai i te tau o te mau Kersetiano matamua, aita te hamani-ino-raa i tapea i te nunaa o te Atua ia poro. Ua tapeahia te mau Kersetiano e ua afaihia ratou i te tahi atu fenua ma te faahupo. Maoti te reira, ua faaroo te mau taata no ő i te poroi o te Faatereraa arii. A hi'o na i te piti o te Tama'i rahi, ua tia i te mau lte no lehova ia poro i roto i te mau aua haavīraa Nazi. Te faatia ra te hoē ati luda tei farerei i te mau lte no lehova: “Maoti te itoito o te mau lte no lehova tei tapeahia, ua papu ia 'u e ua niuhia to ratou faaroo i nia i te mau Papai. E ua riro atoa mai au ei lte no lehova.”

**it-1-F 909**

**Maamaa**

**Maamaa ia patoi ia lehova.** Te hinaaro maa-maa o Balaama, o te faainoraa īā ia Israela ma te hoē parau tohu no te fana'o i te moni no ő mai i te arii Balaka no Moabi. Ua patoi rā lehova i ta 'na mau tutavaraa. Ua papai te apostolo Petero no nia ia Balaama e “ua tamata te hoē asini paraparau ore o tei paraparau ma te reo taata i te tapea i te peropheata ia ore ia rave i te ohipa ino.” I ő nei, ua faaohipa te apostolo i te ta'o Heleni *paraphronia* no te faahiti i te maa-maa o Balaama.—Pe2 2:15, 16; Nu 22:26-31.

## 26 NO EPERERA-2 NO ME

### TAO'A RAU BIBILIA | NUMERA 25-26

**Te mau poe pae varua**

**it-1-F 933**

**Otia**

E au ra e ua faataahia te mau tuhaa fenua no te puhapa taitahi ia au i ta te kelero e faaite mai e ia au i te rahi o te puhapa. Pe-neia'e e faaite noa te kelero i te vahi o te tuhaa fenua tufahia ta te puhapa taitahi e fa-na'o. Ei hi'oraa, i te pae apatoerau aore ra apatoa, hitia o te rā aore ra tooa o te rā, i te pae miti aore ra i te pae mou'a. No ő mai te faaootiraa faaitehia e te kelero ia lehova, eita īā te mau puhapa e pohehae e e tama'ai. (Mas 16:33) Ma te na reira, e aratai atoa īā te Atua i te mau tupuraa o te puhapa taitahi ia tuati te reira i te parau tohu ta te Atua i faaite i te patereareha lakoba hou a pohe ai e tei papaihia i roto i te Genese 49:1-33.

Ia oti te kelero i te faaite i te tuhaa fenua o te puhapa taitahi, e titauhia ia faaot i te rahi o te tuhaa fenua ia au i te rahi o te puhapa. “E tufa kelero hoi outou i taua fenua ra no to outou ra mau fetii ei parahiraa; e e pūpū rahi ra, ei tufaa rahi ta outou e horoa 'tu, e e pūpū iti ra, ei tufaa iti ta outou e horoa 'tu: ei te vahi i noaa ia 'na te kele-ro ra, ei reira ta 'na tufaa.” (Nu 33:54) E tapea-noa-hia te faaootiraa faaitehia e te kelero no nia i te vahi, e nehenehe rā e taui i te rahi o tera tufaa. A itehia 'i e ua rahi roa te tuhaa fenua o luda no ratou, ua faaitihia mai te reira no te horoa i te mau tuhaa faataahia i te puhapa o Simeona.—los 19:9.